

棕亭詩鈔

棕亭詩鈔卷之七

全椒 金兆燕 鍾越

過文信國祠二首

信國祠堂異代新江流常照悴容真
早符異夢無雙譽不負巍科第一人
柴市忠魂猶貫斗棘垣正氣肯隨塵
請看郝使談經地空向東園付莽榛

忍對盟編考誓書坐看宗社已焚如
西臺哭後人何在南海浮來計太疎
天地扁舟回不易山陵遺骨恨難除
孤臣跋涉干戈裡一片殘陽冷故墟

寄程筠榭

棕亭詩鈔

卷七

贈雲軒

聽罷樽前子夜歌。扁舟江上又清波。當風落葉微軀賤，
入海羣山遠勢多。老去詩篇渾散漫，別來情味漸消磨。
菊屏霜後休輕拆，留與羈魂夢裡過。

遊新城汪園步戴遂堂先生韻五首

主人緣愛客，載酒訪林岑。逸興同嵇呂，高懷友尚禽。
城隅荒逕僻，江步晚雲深。暫作開籠翮，隨君豁素襟。
白沙村畔路，日脚下高原。山色青垂岸，江流碧到門。
蒼苔侵露蓮，屐花滿辟疆。園並坐盤陀，石開心試共論。
積水明如鏡，輕舟小似鞋。晴天彌曠野，遠勢接平厓。
宿霧千林合，歸雲一鳥偕。川原堪極目，虛閣白開懷。

樓俯三江濶堂開十畝寬晚烟屯屋角新月出林端翠
影修篁密香風老桂寒何時重到此盡日倚雕闌

扁舟帶暝色隔岸遠相迎魚鳥皆僊侶山林足性情荒
唐過壯歲偏仄嘆浮生堪羨巖居叟秋田已早耕

寓淮安靈惠祠題壁

此余甲戌年八月之作已忘
之矣丙子三月晤寶應王少

林爲余

誦之

香冷金爐繡箔垂真仙壇宇晚鐘遲秋風又到放生宅
神雨應過漂母祠古月虛窓窺客夢落花深殿護靈旗
征帆頻向天涯老何日餐霞問紫芝

聽沈江門彈秋江夜泊

湖海飄零客聞弦感慨深三秋鄉國夢千里水雲心月
落魚龍寂江空霧露沉蓬窓吾已慣更爲觸幽襟

聽彈滄海龍吟操

一鼓成連調龍宮拂曙開影潛丹壑底聲入紫雲堆風
雨連天暗波濤動地來虛堂羣籟寂疑到小蓬萊

聽沈江門彈塞上鴻

高樓鳴絕調哀響忽紛紛夢斷江南月愁隨隴首雲平
沙千里遠孤障九天分目送休終曲邊聲不可聞

送吳梅查遊攝山分韻得好字

九秋風日佳送君事幽討山程不問途曲徑誤亦好江

千紛紅樹巖洞滋仙草攝山上杳冥古雲自繚繞中有
六朝僧獨伴松窠鳥訪道般若臺白石可休老良覲不
易得莫任歸帆早

寄沈江門

草草與君別悠悠勞我心霜風明月好何處理瑤琴

寄焦五斗

江風三日惡海月一輪孤自別公榮後能傾五斗無

五斗先生飲酒歌

一日鑿一竅七日渾沌死聖人彌縫使之淳乃爲麴蘖
葆生理坐者爲尸卧者冢惟有醉者神不毀焦先生瓜

東坡詩集卷之二
三
廬中破窓五夜號西風飢腸貯書千萬卷陋室裁詩三
五通揚州花月苦腥穢陶然獨醉遊鴻濛祝魴復祝魴
往者何歌來何哭安得糟邱遍築鐵圍山與君同證米
汁佛

夢琴歌爲沈江門作

雲陰陰風泠泠江門沈子鳴瑤瑟瑤琴一曲鳴未歇有
人入夢通幽枕幽枕未通不能語寒江一夜驚風雨古
調休爲今人彈古人已作今日土古人今人何綿綿出
夢入夢愁無邊莊舄哀吟竟何益稽康顧影真可憐寡
女之絲冰絃穿雲裂石上訴天天高萬里不可到曉

蝨之臣欲語已茫然夢中生琴中死絕調誓不求知已
噫吁乎哉江門子

盧絳廟

絳字晉卿

柱國功名逐逝波空祠猶自對烟蘿荒墟殘臘喧村社
頽壁斜陽倚斷戈雪後山容添黯淡春來江艦自鬼哉
玉真何處尋殘夢衰草蒼茫固子坡

盧雅雨都轉以亡友李嘯村遺集雕本寄賚開緘
卒讀淒感交至率題卷末兼呈盧公四首

憐才千古屬知音生死交情感最深斷墨零縑初綴緝
殘膏賸馥未銷沉高臺不爲求遺骨異代何人識苦心

淒絕一編遙寄與山陽笛裡倍沾襟

湖陰樓閣對嶺磯曾向天涯並翺飛花發春山攜笠過
月明秋水叩舷歸當年東野多深友此日西華只敝衣
極目皖江寒浪濶何時磨鏡問郊扉

瓜州城外水連天剩有萍居屋數椽樹影猶含虛幌月
詩魂疑傍隔江烟三秋殘卷空螢火千里歸心托杜鵑
遺宅故姬聞尙在稗花風雨泣荒田

短檠寒焰對行窩三嘆終宵擁鼻哦地下休悲埋玉早
人間應羨鑄金多方千榮遇猶堪傳孔闔香名已不磨
何限隱居吟嘯客一瓢身後付長波

焦五斗移家

飯甕茶罍間酒瓢更饒詩卷束牛腰將車執杖兒兼婦
迎水搬柴暮復朝機杼舊鄰猶戀孟湖山新館更名焦
瓜廬到處皆堪結三詔知君未易招

寄陳彭年

獨客推篷夜正午廣陵城外聽春雨歲月飄零感落花
關河憔悴傷枯樹巢幕卑棲詎穩便有恨難箋不語天
看雲每憶同心侶對酒空歌獨漉篇風塵混迹魚鹽市
涸轍難求升斗水三春但有淚千行千里忽傳書一紙
大雅如君真不羣葉繻到處識終軍自許清才凌鄴下

其驚妍唱繼橫汾脩然獨釣梅溪瀨擁棹知君無可奈
索句不教楮墨閑傳神知在烟霞外堪笑陶家壁上梭
高齋三載不曾過花前憶我詢無恙夢裡思君喚奈何
山塘綠柳森如束憶昔停撓劍池曲但得終宵共尹班
何須抗跡儕儻祿紗籠紅燭夜遲遲促膝頻催幼婦詞
酒態填教鶯燕詫吟情惟有鷺鷥知幾年浪迹真成誤
誰許丙茵輕醉吐石髓山中詎有緣明河天上原無路
扁舟明發更吳吟定許西窓話夜深聽魚春水當軒綠
莫惜重弦石枕琴

重宿秦淮水閣

新筵依然映碧流苔梯改徑上高樓又看華屋飛新燕
空向沙汀憶故鷗勝地似隨春夢到好花難挽客襟留
一年一度秦淮水笑我因人作遠遊

過吳杉亭舍人宅時杉亭將以憂歸

聞君前月報灑血棄官歸道遠奔難及家貧養早違春
花迷舊徑明月冷虛帷方進身榮後傷心獨寢闈

丙子秋日晤方竹樓於揚州僧舍蒙以畫竹見惠
次日偕諸同社集譯經臺案上有坡公集因檢
上已攜酒出遊詩索余步韻題畫爲贈走筆應
之

大枝嘯風復嘯雨小枝藂雜迷空塢鳳凰干仞勢欲下
飛鳶銜鼠敢余侮參天入雲排直幹寒梢頂上日卓午
不草不木超等倫惟與詩人相爾汝憶昔搖艇入新安
問政山頭萬竿舞題字愛拭春籜乾下酒不辭秋笋苦
一自江湖奔走勞千叢寒玉誰爲主空外秋聲感心肺
夢中素影想睂嫵何時入林得晏坐一爲征衫洗塵土
二分月下忽遇君爲我客窓寫家圖展卷日日對此君
旅愁驅逐無處所似有彈琴長嘯人疑逢翠袖天寒女
挂向高堂碧欲流懸當小閣青堪俯禪榻茶烟裊未休
一片蒼涼和夢煮竹樓竹樓君且休請君輟筆聽我語

嘉植由來厓異岑奇葩斷不生
顏宇塵世幻緣何足計
少年豪興須當鼓不見牆根稚子苞森森千尺已如許
但令成竹全在胸籜龍怒發焉能阻鳳晨鸞暮慎自愛
歲將晏矣孰華予

晴

幾日登樓苦盼晴寒梅消息未分明忽聞湖上花皆放
頓覺眉間喜盡生雨縹烟波遊定果一襟香雪夢須成
醉吟忽憶孤山路楊觸天涯舊日情

看鴈來紅作

本自懷奇質何須學豔粧一花全不着竟體總爲芳小

木
言
金
圖過朝雨空庭下夕陽獨將遲暮意對爾一傍徨

程竹垣齋中次韻

每到吟詩地偏師已早降
撚髭聊倚閣叉手屢凭牕
宿雪封苔徑春醪滿石缸
寒梅莫相笑枯腹剩空腔

次女阿雋十歲詩以寄示

北風何蕭蕭霜氣淒以冽
獨客淹歲時倏已孟冬節
歸夢逐寒雲悠悠無斷絕
念汝周十齡憶往心如結
在昔丁卯歲鄉舉幸忝竊
結束事北征駢毳冒霜雪
是時汝初生吾父大慰悅
命名曰阿雋錦綳綵纈此
意何懇懇應同屐齒折我
謂青紫物唾手定可掇大
笑徑出門

匹馬如電掣詎知迷陽路舉足困蹶躓十載試東堂淚
盡卞和血頻年迫饑驅賣文屢折閱饑膳未克充溫清
已多缺含悽向誰訴中夜自哽咽今晨汝誕日緘詩爲
汝說饑寒應習慣操作須勿輟休爲門東啼且共鼃北
爇夜浣遍厠踰朝汲向井渫學繡儕阿姊箴箒較工拙
讀書偕阿弟識字細剖別婉轉隨阿母勿復貪頑劣更
依大父側佐餽效祖噫永日歡含飴毋使中心慙我有
丁娘布買來自西浙寄汝作裙襖襟粹好紉綴歸期豫
汝告五九當歲闋明年又計偕三嘆腸內熱

送俞耦生就婚毘陵次方介亭韻

檣鳥初轉大江風遙指雲陽古驛東
巾笥攜將才子筆襟屏圖就美人弓
春冰泮後浮文鰈曉日開時翥遠鴻
試上闔閭城畔望朝霞千里海鱗紅

長至日同沈江門方竹樓方介亭石蘇門集汪礲
岩齋中欲遊水香村墅不果分韻得二冬

憶昔一棹入芙蓉高閣晴霞對晚峯

去秋村墅觀荷

清興又乘

佳客共寒威偏阻俊遊重冰池定有新霜暈
石徑應添冷蘚封好待梅花舒暖後烟郊更爲理吟筇

和礲岩韻

偶然連袂過蕭齋令節聊爲小住佳先得陽和惟此日

最無拘束是吾儕閒身拚向風塵老小隱何須姓字埋
心折君才真十倍酬賤莫笑上灘解

和江門韻

莫爲羈孤百感興詩名第一壘彌增澹愁且自傾三雅
賣賦應堪獲百朋隔巷高車慚許劭空山長嘯笑孫登
鑾江寒浪兼天濶淘洗胸懷更幾層

和竹樓韻

放懷萬事總秋毫痛飲真爲出世豪肯注蟲魚窮爾雅
聊舉蘭蕙續離騷一枝勁竹看高節三尺枯桐聽怒濤
竹樓以畫竹問影我真慚罔兩隨人坐起鮮持操

和介亭韻

蘭室圍爐盡素交底須道上更推敲三年旅夢天涯倦
幾日鄉愁醉裡拋自笑嶺雲依別浦誰憐杯水覆空坳
羨君閉戶真酣適雲子冬春飯足抄

和蘇門韻

險韻詩成日已西循廊聊復手同攜屠龍競詡三年技
牧馬誰開七聖迷逆鷁遡風甘早退荒雞入夜敢先啼
感君班草成酬和襟上無忘此日題

是夕同人每成一詩必索余步韻賡酬已遍諸君
起白我輩詩俱叨繼聲君詩原韻不當疊一首

予余曰諾援筆復成此章

漫道盈池庾杲蓉

余時在
台幕

家山只憶薜蘿峰頻年孤嘯

誰爲伴此日歡遊未易重分手可堪清夜永回頭便是
白雲封江天明月霜華冷孤影凌兢瘦似筇

冒萋原自徐州歸里道過真州見訪索余作詩以

贈

揚州霜葉紅蒸天逢君繫艇江城洲真州雪片大如席
訪我停鞭江口驛高翮孤飛天際鴻飄蕭踪跡何匆匆
君言轉首不兩月征程千里如秋蓬浪山波岳河流急
一櫂中流逾十日拍殘銅斗仰天歌峭帆直指黃樓側

長河落日風蕭蕭驚濤怒齧荆山橋百萬金錢勞壁馬
千夫畚鍤聚蘆葦災黎此日初靈帖土屋泥塗猶菜色
聖主頻勤旰食憂書生空抱匡時策君不見昌黎昔日
住徐州役役逐隊無時休丈夫大用待知己飽嬉飢食
安足留如皋城畔千行柳歸去好謀銷九九古栢寒梅
水繪園莫教老鶴門空守我亦飄零號酒徒何時一訪
故人廬春風爛醉小三吾

程竹垣以詩贈別次韻奉訓

寒燈同此夕別緒早紛拏聚散風中絮飄零雨後花停
杯添客夢下榻愛君家莫話明宵事茫茫烟水賒

歲暮暫歸示里中諸子

小草隨霜露飛鴻慣雪泥乾坤吾道拙歲月客心迷歸
橐真如罄行滕又早攜故人相過問笑我太栖栖

哭馮粹中

浮名三十載此日竟何存淡墨纔書姓虞歌已在門天
涯留弱息古寺寄孤魂何日興歸櫬青山返故園

出門四首

澤豹苦周餓駘駒困征塵丈夫不得志刺促難具陳柴
車遡北風踏雪荒江濱他人羨我歸我實懷苦辛客居
動經歲家食難浹旬依人作生計牽掣愧此身

臘盡春欲來積雪亦已晴人皆謀卒歲我仍赴嚴程親
串不我諒謂我耽遠行棄置夫何言惻愴自吞聲飛鴻
謀稻粱安得不返征

束髮受詩書四十猶無聞操觚代稼穡洪忽喪我真寒
臯學巧語雜縣羈高門亦既爲人役毛羽安足論

上堂拜老親入室辭婦孺背面揮涕洟不敢復回顧驅
車出里閭猶見庭中樹樹上有寒禽子母相依哺人生
勿遠遊遠遊多窘步

丁丑初春將入都門留別戴遂堂先生

杭州五月騰炎輝逢君攜手同我歸真州臘盡春色早

別君獨上長安道丈夫知己良獨難半生骯髒西風寒
感君執手有真意停觴使我摧心肝高冠長劍空自喜
關山寥落同秋卉威鳳在斂難整翰猛虎求食亦搖尾
天涯雙鬢驚滄浪盱衡世事何茫茫拯饑無術乃干進
負薪未免歌黃顰知君夙世抱仙骨我亦厭居螻蛄窟
小別休爲驪唱悲終當爲結登雲轡

哭麟洲叔五首

狂飈拔巨木樗梓同傾隳嚴霜殺衆草蘭蕙不復馥去
年東南災道殣相撐持露骸腥上聞陰陽爲愆期鬱茲
大陵氣疫癘靡有遺君子謹厥身蓄沴亦中之嗟君抱

奇才尺寸未展施孤寒爲贅婿奔走窮天涯客死仗友
生靈帷寄仁祠我來哭失聲臨風奠一卮鸞鳳旣靡叱
鳩飛更何時鐘呂旣破碎瓦鳴徒爾爲斂君牀上衾檢
君篋中詩呼君君不聞淚下如縷縻

束髮受詩書致身願及早挾策未及試歲月忽已老著
書追古人窮年肆搜討光芒在文字精氣已枯槁千秋
縱可待七尺不自保吁嗟沒世名安足爲身寶

男兒可憐蟲骨肉苦牽纏終歲客異縣獨飽竟何益今
君雖長往不應遂棄擲譙南邱墓荒山左妻孥隔千里
莽關山羈魂安所適

遼陽老布衣一代著作手愛君如異珍期君以不朽君
病謀參朮君死購棺輶丹旆出郭門執紼勞衰叟觀者
爲嘆息此誼惟古有自我客四方傾心求素友對面猶
參商歲寒安可守人生知己難君遇固已厚

叔沒於真
州戴迷堂

先生爲
營後事

中夜出西郭凌晨至胥浦送君渡長橋曉星明三五英
雄仗劍地寒潮鬻荒圃逝者盡如斯清淚空如雨君今
歸山阿我猶客江滸靈車旣已遙極目但榛莽獨行返
城闔此別遂千古

淮浦舟中

淮浦孤舟挂席遲蕭條景物動遐思洪波合沓趨高堰
落日蒼茫見下邳雨後早春還似夢愁中衰鬢漸如絲
年年喚渡臨河處腸斷天涯酒一卮

立春日旅中書懷二首

莫向春風喚奈何半生書劍久蹉跎日旁又作乘船夢
道上誰聞叩角歌椒桂有徵名士起榛苓無分美人過
孤雲踪跡甘窮岫干呂空瞻慶竊多

浪跡江湖兩鬢絲一燈都帳影凄其鶯花入眼俱無趣
鴈木逢時總不宜春入敝裘寒未減暮憐瘦馬去何之
酒壚傭保爭相笑可有凌雲狗監知

讀穆天子傳

七萃前驅盡偃旌蕭蕭八駿夜深鳴高臺空自歌黃竹
一笛何曾喚曉晴

謝東墅編修移居內城致書索詩題其新宅漫成

二十四韻寄之

聞道長安里新居最潔清

五字來書中語

疏麻勞遠寄麗藻愁

難磨遙念移家日應多攬勝情買鄰緣借竹選樹爲遷

鶯重疊嚴更署周遭列校營密依青瑣闥高矗紫雕甍

門外長衢直意中遠岫明初開安石墅好輦景山鎗籠

鳥看閑客庭柯愛直兄掃塵安葉几斲石架松棚琴泛

聲三疊棋芻子一枰暗香繁壁帶活火沸瓶笙炕薦冬
缸暖簾波夏簟輕繚垣塗白塔繞砌綴紅英近市聞冰
盞趨朝見火城鳴珂朝走馬待漏夜張檠玉版箋初擘
金壺墨乍傾揮毫疑鳳翥得句似鯨鏗短李迂辛輩高
才捷足生盍簪羣倚蓋解帶卽飛觥西笑真堪美東顰
敢謾呈膺門仍挂楊楊路自沾纓燕定喧新語鷗惟憶
舊盟山房殘夢在何處晚鐘聲

舊居聽鐘山房屢蒙下榻

丁丑夏自都門南歸舟過邗江獨遊湖上見壁間
雅雨都轉春日修禊唱和詩漫步原韻卽用奉

呈四首

長淮漂泊旅人舟聊爲名都一逗留
澤畔孤帆過北郭天涯片笠返南州
琴捶玉軫誰相識酒索銀瓶且自酬
我欲園林窮絕勝莫教捩舵便開頭

官署銜杯憶去年金英秋老畫檐前
不緣久滯紅塵迹應許同登碧嶂巔
雪苑乍傳枚叟賦風江已後子安船
二分我亦真無賴又見清輝向客圓

曲檻雕闌四望通聯延池館路西東
綠陰簾幕無煩暑碧水亭臺受好風
十里仙舟誇郭泰三秋破帽感王濛
平岡極目江天濶獨立蒼茫落照中

歸舟遙指絳河明隔岸猶聞玉笛聲
樽酒醉添鄉夢劇

渚蓮香入旅魂清此間極樂真成國何處閒愁尙有城
悔向長安淹歲月聽殘春雨鳳樓更

又次盧雅雨都轉紅橋修禊韻四首

花光夾岸擁仙舟觴咏良辰競逗留一自江濱開鄭驛
頓令海內識荊州清樽到處金衣勸好句成時錦簾酬
莫怪畫橈喧極浦風流都轉作遨頭

襄屐才名盡少年彩毫爭艷萬花前紛趨巨壑滄溟外
羅列羣峰太華巔曉日僧開無礙塔春風人坐總宜船
炊烟一片晴光合遙指江城碧樹圓

交流碧玉四橋通

輦路紆迴翠檻東曲沼春波涵

帝澤層臺仙籟下天風離宮宛轉窺青瑣絕嶠依稀認
紫濛此日太平傳盛事人人身到五雲中

看花老眼倍添明聽過歌聲爽鳥聲聽我文章真小技
喜君心跡自雙清笙歌隊裡長春國燈火光中不夜城
獨撚霜髭賡麗句水明樓上月三更

欲晤程綿莊先生不得作此奉柬

君家住城北我來客城南兩度欲見不得見

去年客金陵亦欲走

謁未

果憂心轉側真何堪丈夫饑困強謀活隨人寸步有

檢括枉將筆墨作傭奴那許肝腸竟披豁鍾山蒼蒼蕙

帳遙中天畏壘仰高標思君夢逐秦淮水一夜先過如

意橋

先生里
居名

輓友人

人生刺促棲兩間商鉅馳河蟲負山溫飽妻孥心力悴
擔荷名義鬚髮斑解裝隨裘寢巨室息肩乃可辭厥艱
君今懸崖已撒手貧窶賤虎夫何有獨持面目認本來
披髮騎麟任君走而已返其真而我猶爲人金刀掩鉞
淮絕涸朔風擘涕徒遄巡蕭齋梅花對晴昊覓句與君
曾索笑揮杯遽成長別離一年適盡復相弔送君安眠
到北邙歸來虛耗照君牀明年人日空相憶誰更題詩

到草堂

次韻贈沈沃田移居四首

新巢初闢爲藏書門外應多長者車羣羨是儀隣大宅
未妨潘岳賦閒居藥欄花援百弓內清簾疎簾三伏餘
何事烟雲高卧處簫聲客夢未全除

旅翮驟墮寄一枝年年畫諾爲宗資羽書清曉催成後
官燭深宵靜對時自是桂椒原共味敢言施洽本同姿
伶俜此日還遙對棲息輸君竟強移

經籍紛綸愛大春丹鉛到處發硃新久慚折角甘抽簞
自矢同心願結隣入室聊柯堪計日望亭攜酒更何人

抄書倘許窺津逮
鼠壤餘蔬足饋貧

清泚湖光漾碧流
依然書畫上扁舟
深村烟火纔聯社
長笛關山又倚樓
縱使交遊盡僑札
可能門徑付羊求
他鄉留滯終非計
我亦棲遲願一邱

題姜如農先生遺冊四首

百年遺事不勝哀
誰向昆明認劫灰
留得吉光殘羽在
千秋常伴讀書臺

賢良三疏仰高風
醉義韓門得所宗
今日敬亭山下路
白雲空鎖若堂封

尺牘匆匆走筆時
一腔空抱杞人悲
不知九蠟重封後

何限臨風老淚垂

一經遺子硯遺孫幾葉清風繞德門
大息姚萇鐵如意
枉教千古費評論

寄汪草亭

遠望何曾便當歸吟魂只傍故園飛
江迴曲渚潮音壯
人過中年酒伴稀齒至誰憐吳阪駕
心空已息漢陰機
耦耕倘遂他年約千尺潭邊好共依

贈吳梅查四十初度

淮東詩人年四十獨抱巨筆輕華騶
鳳凰孔翠耀彩翼
琅玕碧樹枝相樛買花愛傍蕃釐觀
讀書慣入文選樓

偶然興發不可留張帆忽過胡豆洲披霧振策訪鄧尉
凌雲拾級登虎邱英雄王霸事已矣美人墓跡猶堪求
寒山古寺靈巖塔霜楓萬樹交蘋虬奇景麗句相激發
山塘七里長虹流白衣尙書歸愚叟總持風雅東南陬
入門便許爲都講絳帳彭戴元亭侯歸來奇富詫任卓
明珠萬顆懸高秋銷寒更作檀爐會蘭陵美酒香新篴
我今浪迹無人收江關華髮已滿頭當筵忽聽小海唱
爲君擊碎珊瑚甌雌辰大戊莫相笑丈夫祿命皆箕牛

余與梅
查同歲

九日讌集讓圃小樓用東坡黃樓韻

方平麻姑休說我輩相逢高興發選石愛尋竹逕深
登樓不畏苔梯滑矯首任吹林下帽傾心欲結筵前轍
紫榼攜醪壓老饕石鼎烹泉供細呷枳籬瓜架足刺藤
芋區區核喧鋤鋪平野風吹木已凋小圃霜輕草未殺
堤邊屈屐來征帆雲外吟壑見高刹他鄉游子感授衣
愁聽綠車鳴軋軋主人持觴起勸客新稿莫負糟牀壓
吟肩倚樹自逡巡醉眼看山紛缺鑿寒烟幾樹啼暮鴉
冷夢一池留睡鴨歸路城闌夜未闌燈火磚街明煜燿
次日鮑步江疊前韻見示並索繼組率應奉酬

鮑子下筆郭衆說紙上颯颯清飈發險韻不辭貫札重

精思羣歎衆轂滑趁勢每使下瀨船用意偏能翻著襪
昨日詩成已驚座倚腴堪共醇酒呷今晨忍俊復不禁
有若輕輿下利錘含毫笑我獨邈然糖舌使人俱駭殺
江干同作無聊客寓廬各占城隅剝雨餘荒徑氣蕭涼
霜飛晴原勢坱圠孤憤楞楞滿腹撐鄉愁黯黯兩眉壓
燈下頻看劍脊寒樽前欲擊唾壺盤首尾誰知華管龍
羽毛且溷胃長鳴擲筆虛窓缺月沉秋階一片聲喧雪
次韻題汪氏所藏方士庶自畫天樂圖

檐前插葦莢門外懸椒圖爆竹喧春聲舊歲倏已除爐
灰蘊鳬藻硯滴水蟾蜍黎明拜高堂子婦恭且娛棗栗

堆巨筭羹湯盈中厨粉裙曳篠駢合沓騰綵舳紆綬慶
若若禮旌參如如老福太夫人得天應獨殊轉燭嘆流
光清淚瑩方諸此圖鎮常在此樂嗟已無米石知屢徙
魏笏猶堪撫汪子好兄弟燦若雙明珠連城購和璧干
金買湛盧欣然捧之歸愛若鳳護雛悵悵銜索蠹怔營
過隙駒披圖時三嘆咄咄空中書欲令澆者溷頻將寐
者呼請看畫圖中西廂連踟躕一一似我家堂陳與門
塗傷哉瓶罍罄空美陶家甌

棕亭詩鈔卷之八

全椒 金兆燕 鍾越

贈陳授衣

吟髭如雪鬢如銀，真是天涯嬾慢身。
執杖誰迎高士駕，傲居祇與大儒隣。
寓董子祠側吳山千里鄉心渺，淮雨三秋
客夢頻。未必江湖長落寞，捶琴休向市中人。

贈金壽門

遊遍名山著異書，牛腰巨帙駭空儒。
腕喧承旨多凡筆，目笑宣和最贗圖。
虛室禪燈修白業，古罍仙瀧養元夫。
遙遙世族雖堪並，氣索其如大小巫。

宿鎮江贈鮑海門

西津渡口放扁舟江北江南足勝遊
一室胸懷天下任三山雲物海門收
冶春麗句紗籠壁多景奇觀笛倚樓
偶到樊川花月地可能無意醉揚州

昭文官署寄盧雅雨都轉四首

扁舟催渡白沙濱又逐征鴻曉問津
千里關河仍作客半生踪跡只依人
餘寒未變鄒生律殘醉難忘邴相茵
官閣梅花晴爛漫孤篷回首隔江春

筆牀茶竈列儲胥風雅香名絕代殊
三載孤吟荒徼外百年高會冶春餘
似聞槐署方虛左未必荷衣便遂初

他日蒯緱交戟下定堪重曳野人裾

瓜步雲陽古驛連星輝遙盼思綿綿旌麾自擁江山福
塵土誰修翰墨緣花發好春三徑杳月明孤夢一帆懸
虞山邱壑邗溝水兩地蒼茫碧海天

漫道天涯若比隣津亭解纜倍逡巡酣歌十日還投轄
冷雨千山自墊巾捧手後堂知有日論心前路更何人
長江雙鯉應無限莫惜劉公一紙頻

喜雨用韓孟秋雨聯句韻

春夏時已淹華亭沈大成學子山澤氣始會萬壑漱炎
鬱全椒金兆燕鍾越百卉滌煩藹漫漫雲初屯丹徒蔣

宗海星嚴習習風正泰頽澗奔流泉大成厥堰沸怒瀨
重檐豐注喧兆燕央竇鳴滴大宿圻磧松杉宗海具腓
蘇蒿艾推車喚阿香大成將龍倩小奈汨汨水習坎兆
燕洋洋澤麗兌符簷紫炊烟宗海衢街學潮汐青莎園
甕中大成綠楊城堞外樵徑牛呼牟兆燕叢薄雀鳴噉
蓑箬應淋漓宗海蘭蕙自醺醑茲土惟塗泥大成數旬
齏油沛禽哢餘沙鳴兆燕竹響涇乾籟客牀苦歎蒸宗
海旅服隨儉忼輕曳五銖衣大成奇結百花帶農圃吾
不如兆燕饑渴心無害居茲絃薰時宗海正堪潯畎澮
遙睇思故園大成豐歲卜多賴四脯脹膨脝兆燕五袴

訪萃蔡百室羣歡呼宗海八蜡足奠醑安得息征軼大
成相與栖幽蒼雪峯看峻嶒兆燕水壑聽磅礴澡巾疊
春蕪宗海涼衫披吉貝但期盈盎升大成不羨富廩膺
趨庭饒笑言兆燕叩門免貨丐底用觸炎塵宗海終日
疲輪軟蒿鴟慣卑棲大成榆鳩難遠翮知未免三塗兆
燕定猶纏五葢任嗤牛喘吳宗海但冀苗膏卽桐花淨
垂纓大成蕉葉潤抽旆爽體招新涼兆燕豁目祛宿靄
庭除聚泡漚宗海几榻拭埃塏索酒傾家釀大成烹鮮
得市膾飛觚角雌雄兆燕走筆競殿最怯欲匿下邳宗
海勇如起小沛燭跋爆殘燼大成窻隙入碎霈且與歡

三餘光燕安用喟五太宗海

題程穀谷印譜

秦璽久無傳周鼓不可讀六體與八體蒙昧翳荒谷俗
學師寸心六書厭拘束黜黜雖工妍烏焉紛外黷偉哉
好古士殫心追往躅源流泝倉籀炳爍摘篋縛纖脚曳
飛蚊昂頭矯翬鵠貞珉潤若瓊鐵筆利如鋸幾番雲藍
箋紫泥光煜煜僕也本畸人愛古耽暉軸爰歷搜奇文
凡將購祕牘正襟披繡褫如對鼎彝肅明月吐幽輝來
照釵頭玉

呈盧雅雨都轉

憶昔飛來峯下住山僧爲我誦公句得意高吟喜欲狂

一帆便轉西津渡

丙子秋遊西湖雲林寺聞寺僧誦公潮當射後知迴避峯偶飛來亦逗留

之句因渡江至揚州投謁見公

森然槐柳戟間稠也許書生半刺投東

帶延賓高閣曉選花招客畫堂秋賤子江關蕭瑟久饑

驅憤向天涯走小邑誰供一片肝壯心空對三升酒去

年踏雪渡江歸又向膺門試襪衣企脚暫眠徐孺榻窺

園遂傍仲舒帷浮雲飛絮原無着慷慨登樓欣有託幸

舍棲遲春復秋逢人便道此間樂官梅亭畔百花妍戲

譜新詞付錦筵翦燭尹班常永夕披襟孔李竟忘年祝

延今日逢高會滿堂絲管鳴仙籟煖室春生列障中晴

霞光閃重簾外天教風雅著耆英勝地江山倍有情兩
度旌麾明海甸千秋壇坫仰儀型亂頭粗服吾何有欲
貢卮言慚鈍口僞祿江淮信可招羊何山澤誰堪友明
發驅車又各天衝寒直北路三千揮杯再拜別公去明
月揚州夜夜懸

題翁東如小照

桐廬江畔釣竿歌成都市上肆簾撤山自屢屨水自澈
乾坤何處覓高潔君家本住山水鄉具區虎阜遙相望
半生閩嶺走千里年年歸夢空蒼涼礬成素紙騰麥光
置君邱壑真徜徉晴嵐冷瀑千萬態盡歸尺幅相低昂

傳神直欲無曹顧寄興已足傲羲皇僕也展卷獨太息
此生此境恐難得每圖適志在寬閒其奈謀生多偏仄
以我沉迷簿領勞爲人裘黥冠裳色腮外春過尙未知
門前山好不相識書生頭白老鷺籠慢道壯遊周海國
古今擾擾貉一邱長鑱終老是良謀耦耕他日尙可遂
按圖與爾尋菟裘

題友人畫冊十首

溟濛春雨木蘭舟面面牕櫺罩碧油一片飛花過別浦
雲邊遙指十三樓

文甃長橋綺石塘野烟浮翠入迴廊桃花千樹前溪滿

紫氣瀾迴碧海洋

誰家亭館貯清幽
茗椀爐熏不繫舟
白髮圓丁誇盛事
風前倚杖話

宸遊

畫樓金粉鬪鉛華
天際初開一剪霞
十里珠簾閑不捲
綠楊風裡自天斜

清樽莫惜酒如淮
景物紛披遍野隈
一角遙嵐看不厭
隔江山色送青來

門掩修篁閣倚松
鸛巢高望濕雲濃
半坊空翠圍蘭若
深院寒烟聚晚鐘

僧厨蔬筍野田藜隨意都籃便取攜更乞松明然夜火
不教歸路雨中迷

三春短夢是殘紅莫向高樓怨曉風只有梨花耽寂寞
雨情烟態有無中

曲渚迴舟暮靄橫寂寥人境喜雙清讓他畫舫明華燭
簫鼓中流鬧月明

虛壁張圖坐屢移秋燈孤館夜遲遲何時同續揚州夢
擁鼻空吟絕妙詞

送黃芳亭北上

客從新安來訪我揚州市春風三載一相逢天涯歲月

真如駛君作儒官祿已微我猶側翅隨人飛男兒一飽
不易得況事筆硯求朱緋直北塵沙日杲杲送君又上
長安道豹文澤霧已堪騰鳳策聯華須自寶黃海春山
萬樹松知君歸夢曉雲濃九衢飲罷團司宴定憶雲門
最冷峯

舟中雜詠六首

圍棋

莫厭歸程緩聊爲永日歡子聲雙岸靜波影一枰殘小
劫爭何益浮生局自寬家山饒別墅休更憶長安

摺扇

熱客何須避清風不厭頻展舒應在我曲折豈因人歎
暑三庚節彌漫十丈塵飄搖感身世一愴曲江神

杜集

德州盧世漣營杜亭設子美像
自號杜亭亭長故結句云云

少陵膏馥在把卷得遺型體勢尊諸嶽光芒炳列星七
歌頭已白三賦眼誰青前夜抽帆處蒼茫過短亭

塵尾

王謝當時物於今雅製存閒情忘劇暑隨意共清言但
使休垂壁何勞更杖闌所悲同篋扇秋夜獨銷魂

方鏡

開匣一泓朗整冠雙鬢星只堪矜皎潔其奈少圓靈顧

影知全幻探懷悔錯聽不逢負局者誰肯爲磨瑩

斧硯

小硯形如斧天然品格真鈍根惟自寶利器不堪陳肯
易他人宅聊爲此日隣羅文誰作傳淚眼又三春

舟中贈同伴客

不信蕭條下第身也乘官舫作歸人論心客路交偏晚
到眼家山看漸親但得深杯浮白墮何須大道碾朱輪
濁漳纔過還清濟日日烟波景物新

舟中與其載者釀飲

勞勞襖被客中身宿鷺眠鷗也笑人意氣融修誰等輩

關河袁灌卽天親浮家且自隨雙槩釀飲何妨更一輪
矯首雲峯真太幻白衣蒼狗幾番新

黃河阻壩同姜靜宰孝廉作

浪山波岳驚奔雷三日留滯渾河隈人生蹭蹬有如此
呼君且盡掌中杯大觚長纜繫高岬檣燈歷歷明星亂
盤渦巨溜漸逼人篙師耳語聞愁嘆白銀盤子懸天東
清光萬里澄秋空開船夜半劇酒戰鼻端出火耳生風
秋風滿衣淚空灑湖海飄零何爲者家山計日尙難到
何況陳書魏闕下深杯入手君勿推鏹壩明日舟當開
無端聚散不可料安得合并千古如河淮

贈汪存南六首

鍛翮歸禽返故枝
秋風庭戶樂無涯
傾心人海求袁灌
不及東隣繫所思

天涯回首悵空羈
千里關山夢裡隨
漁弟樵兄無恙在
悔將歲月老鞭絲

孔闢聲名憑謝朓
盧諶條幹待劉琨
何如故里秋光好
籬豆花間一共論

紙勞墨瘁未衰池
東向牛腰不暫離
總是江關蕭瑟句
勞君珍重索新詩

槐根蟻穴競殊勲
衣狗蒼茫瞥眼雲
隣笛高樓明月夜

聲聲淒斷不堪聞

身心太息總相違
那得家園老薜衣
自笑稻粱謀未得
逐霜征鴈又孤飛

新柳三首

鶯語初調欲弄梭
開簾已覺晚風和
也知夢斷愁無着
又見糴成喚奈何
高閣宛延通翠氣
迴塘迢遞映清波
麴塵影裡休凝望
油壁輕車積漸多

挑菜年光問陌頭
落燈風物漸和柔
舞腰初試猶無力
困眼將舒已帶愁
頓覺酒帘花裡潤
不須麥浪壠邊稠
輕霜昨夜猶相忤
禁勒春心未許浮

小圃周遭護短籬
臨風裊裊復垂垂
忍從客裡輕攀折
未省人間有別離
慣與梅魂慰幽獨
肯教蝶夢惹相思
綠衣年少休輕負
管領春光在此時

登金山

蒲帆十幅發清灣
忽見中流擁翠鬟
彈指已驚登彼岸
回頭不信有人間
高樓雨過鐘聲潤
孤嶠雲歸塔影閒
暝色春愁吟未了
落花風裡到禪關

雨過京口

江風吹急雨暝色上高城
晚市寒烟聚春田野水平
依人成浪迹作客信浮生
放棹中流好深杯且滿傾

題金水橋

萋迷芳草野烟浮
壤石危欄枕御溝
多少前朝嗚咽水
春來猶傍故宮流

滕縣道中口號

落日黃沙野岸昏
荒城何處問西園
春風古樹臨官道
不見花開白似銀

謁仲廟

仲家祠廟枕平湖
客子維舟上綠蕪
壤壁陰風疑五酉
荒城落日見三都
晨昏寂寞山中米
身世蒼茫海上桴
我亦雄冠空自愛
拜瞻遺像一長吁

辛巳六月與廣東麥

參常麥 德溢 隴 一崑 隴 振黃

志勸 休寧張

炎辰

江都夏

之連

七孝廉同舟南

歸將至揚州賦此爲別四首

宣武門前柳依依
袂欲分誰知同越舫
忽已過淮濱
野色低垂
岼河聲響入雲
莫嗟暫留滯
幾日便離羣

刺促歸鄉國
誰憐下第人
關河勞遠夢
風雨度殘春
薊北雲烟渺
江南物候新
開樽還一笑
聊慰客中身

高樹日將暝
峭帆風正遲
蓼花垂釣浦
藕葉露筋祠
客路秋偏早
浮踪人易離
高樓何處笛
今夜鬢成絲

欲別未能別
蒼黃意總迷
論心牀上下
分手路東西
自

日誰能挽涼風漸以凄不堪回首處浦樹與人齊

又同用高青邱梅花九首韻誌別

落日文游百尺臺綠楊兩岸正新栽還山歸鳥穿雲過
掠水孤篷打槳來旅夢還堪依浦樹客心原不異岑苔
連牀剩有今宵話懷抱諸君且好開

羣看李郭羨神仙結伴兼旬信有緣繫纜共吟深樹月
開船慣看遠汀烟養生我已忘鞭後策事君應誚護前
明發一帆分手處斷雲渺渺入吳天

蕭蕭華髮已盈頭驚蝶猶然似魏收游戲井公惟六博
飄零陶峴只三舟斷虹遠渚明殘照長笛中宵破旅愁

萬里蓬瀛原咫尺連裾且作采真遊

莫向青衫拭淚痕人間誰識入文溫藝蘭早返羅含宅
採藥還尋角里村不信飛沙能眯目何當剪紙爲招魂
繡紋歸去猶堪刺應悔勞勞學倚門

濃桑深柳隱牛宮隔岸人家小徑通山雨欲來雲乍合
水天無際月當空翩翹燕掠千櫓外隱約魚游一鏡中
笑指淮南好風景秋光莫負小山叢

洗盡征衣幾斛塵水雲從此屬幽人袷衣不信初當暑
小草何圖尙有春惜別翻宜搖艇慢論心莫厭舉杯頻
吟魂此後尋君處離合羅浮恐未真

綠蘋紅蓼自因依
水國烟雲澹夕輝
兩岸濃陰千樹直
半塘新雨一鷗飛
最宜近郭初晴好
漸覺長途舊伴稀
忽憶濟東憔悴客
海天涼夜定思歸

紅蕉丹荔開春陽
知有園林小欖鄉
羈客尙留河北夢
深閨空熟海南香
雕欄鸚鵡朝暉滿
金井梧桐夜月荒
庾嶺歸鞭須早着
故山莫待野梅霜

天涯執手便相知
橘弟槐兄總一枝
此日青雲同浩嘆
他年紅豆定相思
尉陀臺畔蛩吟後
蕭統祠邊鴈過時
雲樹從今何限感
篷牕聊復一題詩

贈仲舒叔

憶昔垂髫從我遊河湓曾共講堂幽

昔年課徒河湓草堂仲舒叔問業於

余霜蹄定自行千里塵鬢何時守一邱山館暫歸增感

歎天涯有客尙淹留

軒來叔尙客吳門

耦耕倘果他年約莫厭

狂吟對白頭

輓朱朗圃先生

炎風七月初息輓歸舊疆馬策慟西州遺像瞻靈牀藐
孤正毀疾竹杖扶羸厓小子竊自念魚索私憂惶轉燭
未浹旬同賦莪蒿章嗚呼鮮民生一身叢百殃况乃苦
饑驅逝將適殊鄉拜公別公靈向公奠一觴公初含飯
貝我翁哭公旁哭公幾何時隨公遂同行悠悠邁黃壚

相攜話衷腸公其謂我翁慎勿多戀傷
飛仍四方覓食飽妻孥帷殯捐中堂父在不能養父沒
不能喪攬轡揮涕洟匹馬衝嚴霜回首空嘆羨高松棲
鸞凰

咏白秋海棠索方竹樓作畫

淡冶丰姿縞素裳瓊簫吹罷褪殘粧魂歸月下疑無影
淚盡風前欲斷腸肯共飛烟銷紫玉可能蠲忿學青棠
請君洗盡胭脂筆貌取凌空一段香

送盧雅雨都轉歸德州四首

奇才渥受

主恩偏豈爲賢勞願息肩人以歸昌知鳳德天教偃蓋
養松年歐蘇雅韻千秋在廣受高風萬口傳獨有信陵
門下客蒯綬長缺愴離筵

幾載南樓對月圓其然官燭檢吟編搜羅軼事存風雅
商略新詞付管弦種遍王猷三徑竹寧殘庾杲一池蓮
檐前鸚鵡階前鶴盡結年來翰墨緣

名園花木杜亭邊曾傍高城艤客船濟潔春波千里到
鵲華晴色兩峰懸夜燈好就藏書窟朝雨應看種秫田
他日布帆過錦里可容徐榻更高眠

泯泯清淮祖帳前膺舟安穩似登仙祥雲無際歸三島

明月多情照萬川，收幕幾回還顧燕。
耀林何處更求鱗，綠波南浦斜陽外。
極目津亭一惘然。

壽俞弭園先生

蕪城十月霏寒烟，晴霞煜爚丹楓鮮。
雕甍綺閣十萬戶，重簾歌管爭喧闐。
城北幽人垂鶴髮，南榮曝背誰結襪。
殘帙螢乾劉氏經，古囊塵滿魏公笏。
攬揆家慶自開樽，一事差堪傲比隣。
乳腐醍醐好名目，階前玉樹皆拳雲。
才超驃騎有第五，未肯鴈行作腰鼓。
鄭谷詩成號鷓鴣，禰衡賦就驚鸚鵡。
賤子江湖縱浩歌，槐兄橘弟交枝柯。
八龍堂下德星聚，熱眼君家樂事多。
籬邊一醉同酣叫。

杉石言金 卷八
落葉蕭蕭寒稍稍富貴浮雲安足論詩書麴蘖從吾好
觀音閣早梅

小樓深院托孤根點點疎疎欲斷魂一抹輕烟一鈎月
聞思香裡坐黃昏

題吳石屋藏書種木山房圖

堆牀自有萬卷書朝吟夕誦天懷擴繞屋更有千章木
晨興午睡濃陰足我抱區區已有年代檀空歌三百屢
役身不足飽妻子餘事何暇謀林泉先生有志大宇宙
欲買名山作書園二酉收藏不厭多十年封殖看全茂
散帙如揮陶頓金華條似結蕭朱綬那知此願總難償

才福於人每兩妨半生老作諸侯客十畝空羨山中堂
與君寢處同埃壒知君味在酸鹹外卜築但依黃海峯
歸舟便繫桐江瀨書連屋樹拂雲君言此中樂無倫結
隣倘果他年約與爾讀書秋樹根

寄呈沈大宗伯歸愚先生六首

霄漢高標衆所歸東南斗極仰懸輝湖山歲月供垂釣
几席烟霞伴掩扉文帙寵加

天語重詩源精闡義根微鄭公新

賜尚書祿猶自林泉號白衣

虎阜靈巖輦路平春風雨度迂霓旌不驚文衛松岡鶴

慣識宮袍柳汴鶯堂陞唱酬飛麗藻江山點綴入新晴
白頭誰得如公健病起還能從

聖明

公和盧雅雨先生紅橋修禊詩
有病起三春從

聖明句

講座緇帷映檜杉高峯曾記陟巉巖古今殊品從商權
主客分圖爲發凡曉日門前勞束帶春風江上悔張帆
士安隻字逾華袞錦贖三年什襲緘

千里關河片笠霜半生蕭瑟走殊鄉悲歌醉踏燕臺月
治思狂紉楚畹香當路詎皆犀兕角干時偏自鼠拖腸
非公吳坂頻回顧空負塵顏兩鬢蒼

西曹名士著淮南幾載遺文蝕粉蟬忽覩光芒騰玉弁

頓教塵土淬銚鐔應劉獨抱平生慨班尹空追永夕談

我木青楊同里巷寒風吹笛更何堪

吳岑華先生詩蒙選入國朝詩集

木瀆琴川一水分吳天矯首共春雲夢途不礙烟波濶

吟館常懷草樹薰四海公評宗大老百年鴻業在斯文

何時重艤膺門櫂盡發疑籤坐日曛

里中與諸同人讌集分題二首

市橋訪卜者談易

卜肆居橋側垂簾岸柳陰近城知物態臨水見天心人世苑枯速乾坤消息深久無題柱念不必問升沉

秋日刈稻了自沿村河策蹇由富安巷過寶林

橋帶月夜歸

日脚垂山腰驅驢背殘映秋田皆已收西風漸微勁吾
生安壠畝入世本無競苟得卒歲謀敢望豐年慶雲際
炊烟斜林表籬門正村里饒餘歡居民遂野性靜愛原
疇清飽逢時世盛長橋對高圍積水澄明鏡山月隨歸
鞭涼輝已相迎

訓許聖和

古人亦有言此身須早致富貴竟何物乃足亂人意人
生百年中俯仰本如寄但得素心人共此容膝地嵇呂
契自深尹班思不闕相與眼同青何須裘集翠前年我

訪君今年君始至三載夢中人幾卷燈前字高歌對明
月一夕豁愁思君詩我最愛我言君應記時屯爲道窮
俗薄以儒戲請與冥心兵休更修書肆明朝我又行今
夕君且醉

訓朱岷源登前韻

勅敵張兩甄偏師各相致有人壁上觀目笑具深意忽
作玉虎鳴遠令青鳥寄有如飛將下鼓角驚在地忍俊
知不禁奇芬詎可閼鯨魚掣碧海寧復數若翠撫弦感
昭文老氣必偕至詩腸善引伸一一相孳字君屢嗶嗶
音遂抽軋軋思新語俄復成舊章了不記何殊牛糞塔

聊作童子戲長笛貴雙管歌鐘必二肆芳醪肯再投不
辭元石醉

贈洪素人蕊登兄弟

鐘鼓駢雜縣歌舞娛帝江遭逢貴及時音響豈徒擬
聖世恢天紘

時邁敷鴻厖包匭來絕域琛寶獻大邦翹材既靡遺弋
雋必疊雙二子天都秀高標排雲幢冠綏影齊影鼎鉉
力其扛連襪迎

鑿與江步繫烟艫卿鴈隨文衛清露滋蘭茝盛年策榮
名軒襟寧易降努力愛春華鳳翽羣瞻龐

吳石屋以寶泉試君山茶招飲賦此爲贈

小甕貯寒泉清淺不及尺頻將羅爐沙不勞緱轉極疏
布幕其頗有如髻韜幙晴窓試啓蓋相顧各暢適茗飲
劇清談不寐願通昔煇炭懸筐輕泥爐選徑僻癖宣嵇
康鍛嗜豈阮孚屐天涯聚羈旅各自爲形役名任呼張
顛性難變汲直愛茲快雪後虛室自生白君言我友餉
此物勝仙液蒼崖浮洞庭波浪齧脅腋舟楫少不慎頃
刻羅患阨採擷冒艱危鈴焙屢更易無異得綏桃肯同
嗜秦炙湯勲今足建小甕更細繹請與屏塵事切勿延
俗客冰消簷瀑清更拭柴窰碧

贈汪稚川

相見卽相別相看各黯然十年真一夢分手又江天老去聲華淡愁中歲月遷何時重載酒三十六峯巔

和趙恒齋都轉九日遊平山堂原韻

飛蓋平岡路轉賒萬松蒼靄入雲涯穿林不用防吹帽開閣偏宜共坐花明月高樓金縷曲寒烟古渡玉鈎斜看山更有登樓客令節那知宴會嘉

除夕示臺駿

除夕頻爲客今年與爾偕家山初轉首樽酒且開懷憶母知天性溫經識聖涯及時須志學莫負歲華佳

爲沈定夫題漸江和尚仿倪雲林小幅四首

禪味宗風腕下收
恕先一角澹如秋
張來粉堵看三日
便向官齋作卧遊

茆亭石徑自週遮
愛對清流泛淺沙
閒向牆根拈竹葉
好尋獨樹老夫家

莫嫌短髮已蕭蕭
際癖迂懷老未消
一笑倪家枯樹法
畫中也學沈郎腰

樓臺金碧綠楊城
日日丹青障裡行
那得百弓塵外地
與君閒坐話無生